



Festival di Tumba

*a resultá gigantesco den presentacion
Marlboro Ball Park definitivamente e lugar mas apropiá*

Un anochi na unda hopi tabata esnan cu a pensa cu lo terminá na arroz y coco debí na e discusionnan cu tabatin anterior na e festival, pero esaki a resultá di ta e kick promé cu e gran evento cu ta duna e Carnaval algo special.

Joy Kock, un di e grandinan den e mundo di música mester ta orguyoso y hopi feliz cu e festival cu a hiba su nomber a resultá den un éxito rotundo.

Manera e cancion "Piki Pieuw" ta bisa "Nos Carnaval lo keda leu y bai atras manera cangreuw" si nan sigui piki pieuw, wel ta pieuw ta pone e público reaccioná y duna e anochi aki e acogida formal.

E promé Tumba "Warwaru Wayé" un propio composicion cantá pa Robert Maduro a lanta tur hende riba nan pia y baila.

E cancion aki a wordo arreglá pa Stephen Alex/Robert Dumfries.

E tumba aki segun hopi comentario lo bira masha popular.

Chicho Kock cu su cancion "Ripitié" cu tambe ta un propio composicion a sorprendé un y tur cu un cambio formal den su presentacion y a trece un tumba tur afó.

Bernadina Grovel kende a resultá cantante popular a sa di demostrá cu e ta e muher cu mihor actuacion riba escenario durante Tumba y a presentá e can-

cion "Festival di Balon" arreglá pa Brother Panthophlet.

Pero ta e banda Quasi ta esun cu a bin den laat y trece e ambiente den un



presentacion gigantesco. Quasi a baha e anochi aki tur cu tin.

Un pabien nos ta manda sigur na e cantante popular sr. Melvin Garcia cu su cancion "den Boshi" cu a sa di hinca e multitud den su saco y como cantante di Tumba cu pa promé bes ta aparecé riba escenario el a sa di duna un presentacion hopi hopi bon.

Melvin su tumba



tabatin un kick. Aki nos mester bisa cu ta un lastima

cu no tin un pre-seleccion pa e tumbero trece su cancion bai bek polish e y trece su mañan será será. Melvin na momento di sera su Tumba esaki lo sona duru.

Gi Raven, E General den Carnaval pa e anochi aki a duna un tremendo show y e multitud a respondé hunto cuné. Na momento cu Gi tabata

"Isla a la vista" sigur a resultá un di e favoritonan e anochi aki y riba un rust a trece su tumba cu a pone tur hende grita y baila yená di emocion. E culminacion en berdad di e anochi tabata e presentacion di Quasi.

Na final esun cu a sa di trece un show special cu a contribuí den grandi na su



canta bo por a mira e sombre blanco ta zwaai creando un efecto único e anochi aki.

Gi su stem a fayé un poco y su tumba no a convencé manera tabata e caso e aña anterior.

Ramphis Tromp, e cantante cu mas a crece e último aña aki tambe a trece un bunita tumba cu hopi ritmo. Su tumba "Aruba t'pabo" tin diferente cambio hopi variá.

Tattoo cu su cancion

título di Rey di Tumba un biaha mas tabata Papito cu a sorprendé un y tur na momento cu el a haci su entrada for di unda cu ningun hende ta spera compañía cu un brassband y a subi cu su lollipop y bari cu tur e premionan un biaha mas. Papito cu su cancion "Hala pa mi pasa" a demostrá seriedad y dedicacion a lastra y no a cabe duda den ningun hende cu e merecê di ta e Rey di Tumba pa Aruba su Carnaval 41.□